

ere, sunt et erunt alimenta secreti nostri. Deo enim et patriae nati fumus. Vnde enim post religionem exoptatius gratissimam exhibitori sumus mentem? quam memoriam antiquorum praeclaram et perlustrantibus amoenam repetendo. Multum studii collocarunt et nunc operam consumunt viri egregie docti in addiscendis linguis exoticis, punici vel idiomatis emortui, propter aliquot in Plauti, Herodoti, Polybii, Livii, Strabonis, Solini, Varronis, Servii, Dioscoridis, Apuleji et ceterorum scriptis extantia multaque ceu nocte loca offusa, cum tamen, dum externa praecolunt, ipsi interea supremum diem obeant. (\*)

Hi quasi patriam fugiant, nos lenti in umbra, καὶ ὡς ἐν παρρησίᾳ, studebimus patriae, vitam optimam et dilectissimam ducentes in conuersatione cum mortuis et fato perfunctis, cumque antiquissimis et gentis nostrae fundatoribus dignissimis ad colloquium quasi diuinitus consecratum tempore succisivo descendentes, ne barbari, feri, incuriosi, negligentes et erga beneficentissimos majores ingrati videamur.

Habeas ergo speciminis loco, has diplomatum schoenburgicorum bigas, aut si mauis, binas ex antiquitate rerum *Schoenburgicarum* litteras depromptas easque publice patentes, quas Nobilissimus Dominus Praefectus Comitum S. R. J. *Illustrissimorum de Schoenburg*, Dominus *Kroehnius*, Jctissimus et rei diplomaticae et numariae, quem TV bene nosti, ille heluo benigne nobiscum communicauit. Rogatus interpretarer bina  
haec

\*) Quae omnia juxta seriem alphabeticam collegit Bernardus ALDRETVS in antiquitatibus hispanicis, L. I. cap. II. qui et multa de genio linguae punicae, et CASTELLVS L. III. cap. VII. de origine ejusdem linguae tradunt: quibus adde Thomae REINESII, Joan. Henr. MALL historumena linguae punicae in Joan. Ge. GRAEVII syntagmate var. dispp. rar. no. 1. et BOCHARTVM de lingua Phoenic. Petr. BVRMAN. in thesauro etc. fol. 486 quibus tamen colephonem addidit Reuerend. P. Joan. Petrus Franciscus AGIVS, de SOLDANIS binis dissertt. et grammatica linguae punico Maltensis, annexo dictionariolo, Romae, 8. 1750.